



13-05-2026
Sags nr. 2026-9857
Akt. id. 26502155

Postboks 970
3900 Nuuk
Tlf. (+299) 34 50 00
Fax (+299) 34 63 64
E-mail: isn@nanoq.gl
www.naalakkersuisut.gl

Tallimangornermi ulloq 15. Maj 2026, nal. 15.00 ataatsimiittarfik Erling Høeghimi ilisimatitsiffiusumik ataatsimeeqatigiinnissamut aggersaassummut akissut

Asasara Ilaqutariinnermut Peqqissutsimullu ataatsimiititaliaq.

Aggersaassummi sammisassatut nassiunneqartut aallaavigalugit, ataatsimiititap ataatsimiinnermi eqqartugassatut kissaataat malillugu, imatut Naalakkersuisoq akissuteqarpoq.

1.Ukiuni kingullerni tallimani erninermi ullormusianik minnerpaamik qassit ,tassa sapaatip akunneranut 14 tiiminik, pisartagaqarsimanersut? Arnani taakkunani qassit aalisartumik, piniartumik aamma savaatilimmik katissimallugu aappaqarnersut inooqateqarnersulluunniit Naalakkersuisut kisitsisaatigaat?

Ataani takuneqarsinnaasoq nalunaarsuiffik 1-imi akissarsiffiit 8.-taat aallaavigineqarput, taakku assigaat apriliimit akissarsiffiit. Akissarsiffik taaneqartoq tamakkiisuunngilaq, pissutigalugu ukioq tamaat nalunaarusiussagutta erninermusiat ingerlaarneri marloriaatinngorlugit kisitsisoortoqarsinnaammat, ukiup nikinneranni ilaqartumik. Nalunaarsuiffiup takutippaa piffissami tassani erninermusianik tiguisimasut. Periutsip aallaavigaa, erninermusianut agguataarinnermi ukiup ingerlanerani aalaakkaasinnaasarmata. Nalunaarusiaq ullunut 14-inut akissarsiaqarnermut aallaaveqarmat, assigaa minnerpaaffiliinnermi tiimit 28-it assigimmassuk sapaatip akunneranut 14 tiimit, taava tiimit 80-it assigimmassuk sapaatip akunneranut tiimit 40-it.

Naleqqiussineq qulakkeerniarlugu ukiuni piffissaliusseq killilerneqarpoq 2022-2024-mut, taakku ukiut erninermt aningaasaateqarfik AMAAT pillugu ataannartumik takussutissaqarmata.

Tabel 1: Erninermusianik tiguisartut tiimikkaarlugit agguataarneri ullunut 14-inut akissarsiaqartut

	2022	2023	2024
Tiimit 28 ataallugit	27	22	23
28 tiimit	86	90	73
29-79 tiimit	146	157	138
80 tiimit +	26	23	28
Katinneri	285	292	262

Aallerfik: Kalaallit Nunaanni Naatsorsueqqissaartarfik

Allakkiaq: Nalunaarsuiffiup takutippaa erninermusianik tiguisartut ullut 14-inikkaarlugit akissarsisartut nalunaarsorneri akissarsiffik 8.-aat, taakku assigaat apriliimit aggustimut. Tiimit 28-it ataallugit tiguisartuni, ilaatinneqarput erninermusiaqarnissamut tamakkiisumik katersisimangitsut. 80 tiimit sinnerlugit



nalunaarsukkat pissuteqarsinnaapput kingusinnerusukkat nalunaarsukkat imaluunniit siusinnerusukkat tunniunneqarsimasuniit aaqqiissutit. Nalunaarusiaq takussutissaagallartut aallaavigalugit suliarineqarpoq, taamaattumik kingusinnerusukkat iluarsinerit imaluunniit aaqiinerit pisinnaapput. Erninermusianut nalunaarusiami tiimit 28-it minnerpaaffittut aamma tiimit 80-it annertunerpaaffittut inissisimapput.

Nalunaarsuiffik 1-imi ersippoq, minnerpaanik erninermusianik tiguisartut ullullu 14-ikkaarlugit akissarsisartut piffissami 2022-2024 inuit 60-it aamma 90-it missiliorlugit amerlassuseqartut. Tamassuma assigaa , piffissami tassani akissarsiffimmi tiguisartut 30 pct.-ii.

2024-imi minnerpaanik tiguisartut amerlassusaasa appasinnerat nalinginnaasumik pisortaniit erninermusianik tiguisartut appariarsimani ersersinneqarput. Erninermusianik tiguisartut amerlassusaasa appariarneri aallaaveqarpoq, inuit amerlanerit erninermt aningaasaateqarfimmiit AMAAT-miit erninermusiaqarneri. Ineriartorneq nalilerneqarpoq erninermt aningaasaateqarfik pillugu namminersortuni sulisunut ilisimanagerulerneqarnissaa annertusarneqarnikummat.

Arnat erninermusianik tiguisartut qassit aalisartumik, piniartumik imaluunniit savaatilimmik aappaqartut imaluunniit inooqateqartut pillugit Naalakkersuisoq paasissutissanik pigisaqanngilaq. Tamanna pillugu Kalaallit Nunaanni Naatsorsueqqissaartarfik nalunaarusiorsinnaanersoq misissorneqarsinnaavoq. Taamatut nalunaarusiorneq suliassamik annertuumik malitseqassaaq aamma akissuteqarnissamat piffissaq sivilunerussalluni taamaattumik, ataatsimiititaq kissaateqarpat taamaallaat aallarnisarneqarsinnaavoq.

2. Erninermi Aningaasaateqarfimmit qassit erninermi ullormusianik pisartagaqarnerisut qassiuppat? Aningaasaateqarfimmit erninermi ullormusianik pisartagaqartunut allanik kisitsisaateqartoqarpa imaluunniit paasissutissaateqartoqarpa?

Ataani nalunaarsuiffik 2-mi takuneqarsinnaavoq, inuit erninermt aningaasaateqarfik AMAAT-miit tigusaqarsimasut qaffariarsimani, ukiuni 2022 aamma 2023-imi inuit 100-it sinnerlugit aamma ukioq 2024-imi inuit 200 sinnerlugit.

Naatsorsuutigineqarpoq ukioq 2025-imi tiguisartut aamma 200-it sinnerlugit amerlassuseqarumaartut. Ukioq 2025 pillugu suli nalunaarusiortoqanngilaq.

Tiguisartut suaassusaasa ukiullu agguataarnerisa takussutissartaani aamma paasissutissaqarpoq kommuuni sorleq, suliffik sorleq, sulingiffeqarneq sorleq aamma aningaasat annertussusaat pillugit.

Nalunaarsuiffik 2: Erninermusianut aningaasaateqarfik AMAAT-miit tiguisartut amerlassusaat suaassuseq allaavigalugu

	2022	2023	2024
Angut	31	41	66
Arna	74	66	150
Katillugit	105	107	216

Aallorfik: Kalaallit Nunaanni Naatsorsueqqissaartarfik



3. Siunnersuutip akuerineqarneratigut inatsisitigut ajornartorsiuteqalersinnaanera Naalakkersuisut immikkut oqaaseqarfigisinnaavaat?

Naalakkersuisut nalilerpaat, siunnersuut arlalitsigut inatsisitigut allaffissornikkullu ajornartorsiulersitsisinnaasoq.

Erninnermusianut aqqissuussaq maanna atuuttoq taarsiissuteqariaatsip periaasia assigaa, tassani siusinnerusukkut suliffigisaq isertitarisallu aallaavigalugit naatsorsuisoqartarmat. Tamassuma allangorluinnarnissaanik siunnersuut imaqarpoq, tassa anaanat angerlarsimaannartut annertunerpaamik pissarsisarnissaat qulakkeerniarneqarmat siusinnerusukkut sulerisuuneq isertitarisallasu aallaaviginagit.

Siunnersuut ilaatigut kikkunntu killiffilernissaa apeqqusiivoq. Ersarinnerusumik qulaajarneqassaaq, kikkut "angerlarsimaannartut" isigineqassanersut, aamma tamanna qanoq takussutissaqartinneqassava allaffissornikkullu qanoq periuseqarfigineqassava. Ilaatigut angajoqqaat qanoq katitigaanerat pillugu apeqqusiinissaq pisinnaavoq, tassunga ilanngullugit angerlarsimaannartuuneq, akissarsiortuuneq, ilinniartuuneq aamma namminersoortuuneq.

Ilanngullugu Naalakkersuisut nalilerpaat, siunnersuut tulluussarnissamat kajuminnerulersitsissasoq. Assersuutigalugu kingunerisinnaavaa, erninnermut atatillugu sulinngiffeqannginnermi inuit suliumajunnaarnerat imaluunniit namminersortunngornerat pissarsiassaq anginerpaaq piumallugu.

Aammattaaq siunnersuutip kingunerisinnaavaa annertunerusumik nakkutilliinissamat allaffissornikkullu pisariaqartitsilerneq, ilaatigut inuutissarsiornermi pissutsit, aappariinnermi pissutsit aamma paasissutissat nalunaarsuiffiinniit assigiinngitsuniit pisariaqalersinnaaneri.

Ataatsimut isigalugu Naalakkersuisut nalilerpaat, siunnersuutip naammassinissanut sukumiinerusumik inatsisitigut qulaajaaffiginissaanik pisariaqartitsilissasoq.

Inussiarnermik inuulluaqqusillunga

Maritha Broberg

Isumaginninnermut, Suliffeqarnermut, Ilaqutariinnut Nunamullu Namminermut Naalakkersuisoqarfik



Inatsisartut

Att: Ilaqutariinnut Peqqissutsimullu ataatsimiititaliaq
suuma@ina.alla.gl

19-05-2026
Sags nr. 2026 - 9857
Akt. id. 26510234

Postboks 970
3900 Nuuk
Tlf. (+299) 34 50 00
Fax (+299) 34 63 64
E-mail: isn@nanoq.gl
www.naalakkersuisut.gl

Asasara Ilaqutariinnermut Peqqissutsimullu Ataatsimiititaliaq

Ulloq 15. maj 2026-mi ilisimatitsilluni ataatsimiinnermut atatillugu ataatsimiilluarnermut oqaloqatigiilluarnermullu qujanaq.

Matumuuna neriorsuutigineqartut naartunermi, erninermi meeravissartaarnermilu sulinngiffeqartarnek pillugu najoqqutassatut ilisimasassat kiisalu UPA 2026/169-mut tunngatillugu pissutsit arlallit eqqumaffigissassallu nassiunneqarput.

Erseqqissaqqikkusupparput, erninermi ullormusiat sapaatip akunneranut nalunaaquttap akunnerini minnerpaaniit 14-iniit 40-nut qaffaanissamat ukiumut naatsorsuutit 8,9 mio. kr-it miss. taamaallaat missingersuutaagallarmata. Naatsorsuineq pingaarnertut aningaasartuutit qanoq qaffasitsigisinnaanerintut takussutissatut suliarineqarpoq taamaattumillu aningaasartuutivinnut inaarutaasumik naatsorsuinerintut isigineqartussaananani.

Tamanna namminersortuni atorfillit erninermi sulinngiffeqarneranni sapaatip akunneranut minnerpaamik akunnernut 40-nut akissarsiaqartitsinermik qulakkeerinninnissamat aqqissuussamat 17 mio. kr-inut naatsorsuinerintut aamma atuuppoq. Naatsorsuineq manna 2024-mi inatsisissatut siunnersuummut assingusumut suliamersuuvoq aamma erninerintut aningaasaateqarfimmik AMAAT-mik pilersitsineq sioqqullugu paasissutissat pisoqqat tunngavigineqarlutik kiisalu erninermi sulinngiffeqartarnerintut malittarisassat pillugit piffissaq allameersuulluni. Taamaattumik naatsorsuineq aamma nalorninarloqarmat aningaasartuutivinnut eqqoqqissaartumik naatsorsuinerintut isigineqassangilaq.

Naartunermi, erninermi meeravissartaarnermilu sulinngiffeqarnerintut atatillugu atugassarititaasunik pitsanngorsaanerintut aningaasaqarnikkut kingunerisassat pillugit assigiinngitsunik periarfissanik naatsorsuinerintut nutarterniarlugit suli suliaqartoqarpoq. Tamatuma saniatigut aqqissuussinerintut allannortinneqarsinnaanerata malitsigisaanik inatsisitigut allaffissornikkullu kingunerisassai misissorneqarput.

Inussiarnersumik inuulluaqqusillunga

Marcus Honoré

Isumaginninnermut, Suliffeqarnermut, Ilaqutariinnut Nunamullu Namminermut Naalakkersuisoqarfik



NAALAKKERSUISUT
GOVERNMENT OF GREENLAND

Isumaginninnermut, Suliffeqarnermut, Ilaqutariinnut
Nunamullu Namminermit Naalakkersuisoqarfik

2026

Erninermi ullormusiat akunneri 40-t inunnut tamanut

Karen Kiær Jakobsen



Imm. 169

Naartunermi, erninermi meeravissiartaarnermilu sulingiffeqartarneq pillugu anaanaasut tamarmik sapaatip akunneranut akunnernik 40-nik erninerminnik, sapaatit akunnerini 19-ini, siornatigut suliffigisimasaq apeqqutaatinnagu ullormusiaqarnissaasa pisinnaatitaaffigilernissaannut, Inatsisartut inatsisaasa allanngortinnissaanut Naalakkersuisut peqquneqarnissaannik Inatsisartut aalajangiiffigisassaattut siunnersuut.

Arnat angerlarsimasut arnanut atorfilinnut atatillugu erninermi ullormusianik naleqqussakkanik tunineqarsinnaassappata, sapaatip akunneranut akunnerit 14-iniit sapaatip akunneranut akunnerit 40-nut qaffaasinnaaneq pineqassaaq.

Taamaalilluni sapaatip akunneranut 1.490,58 kr-iniit (106,47 kr. x akunnerit 14-it) sapaatip akunneranut 4.258,80 kr-inut (106,47 x akunnerit 40-t) qaffaaneq pineqassaaq. Tamanna isumaqassaaq arnaq sapaatip akunneranut 2.768,22 kr-inik amerlanerusunik tunineqartalissasoq. Erninermi sulingiffeqarneq sapaatit akunnerini 19-ini piffissaq aallaavigineqarpat, 28.321,02 kr-iniit (1.490,58 kr. x sapaatip akunneri 19-it) 80.917,20 kr-inut (4.258.80 kr. x sapaatip akunneri 19-it) qaffaanerup arnamut ataatsimut 52.596,18 kr-inik aningaasartuuteqarnerulerneq kingunerissavaa.



Erninermi ullormusiat naatsumik

Erninermi ullormusiat tassaapput sulinngiffeqarnerup nalaani isertitanut amigaataasunut **taartisiaat**. Isertitaqqortunerugaanni qaffasinnerusumik taartisiaqartoqassaaq.

Pisortani atorfillit: Erninermi ullormusiat **piffissaq suliffiusoq** aallaavigalugu naatsorsorneqassapput. Sapaatip akunneranut akunnerni 20-ni suligaanni = erninermi ullormusiat akunnerit 20-t. Minnerpaamik akunnerit 14-it, annerpaamik akunnerit 40-t.

Ilinniartut: Erninermi ullormusiat **ilinniagaqarneriutinut / sungiusartunut ilinniartunullu akissarsianut naapertuutissapput**.

Namminersortut: **Isertitanut** naapertuuttumik erninermi ullormusiat. Minnerpaamik akunnerit 14-it, annerpaamik akunnerit 40-t.

Akigititaq akunnermut **106,47** kr-iuvoq, SIK-mi minnerpaamik akissarsianut malinnaatinneqarmat.



Pisortani atorfilinnut erninermi ullormusianut assersuutit

Naja pisortani atorfeqarpoq sapaatillu akunneranut akunnerit 35-t pillugit isumaqatigiissuteqarluni.

- Sulingiffeqarnermini sapaatit akunnerinut kingullernut sisamanut akissarsiaqartitaassanngilaq.
- Taamaattumik sapaatip akunneranut akunnerit 35-t erninermi ullormusiaqassaaq.
- $35 \cdot 106,47 =$ sapaatip akunneranut 3726 kr-it / qaammammut 16.148 kr-it.

Inuk taartaasutut sulivoq, taamaattumik akunnernik aalajangersimasunik tunineqanngilaq.

- Sapaatit akunneri 13-nit kingulliit agguaqatigiissillugu qanoq annertutigisumik sulinera kommunimit naatsorsorneqassaaq.
- Sapaatip akunneranut agguaqatigiissillugu akunnerit aqqaneq-marluk sulisarpoq. Taassuma minnerpaamik killiliusaaq inorpaa.
- Inuk sapaatip akunneranut akunnerit 14-inik erninermi ullormusiaqartinneqassaaq.
- $14 \cdot 106,47 =$ sapaatip akunneranut 1491 kr-it / qaammammut 6459 kr-it.



Erninermi ullormusiat – minnerpaamik annerpaamillu qaffasissutsit

Minnerpaamik killiliussaq: akunnerit 14-it / sapaatip akunneranut 1491 kr-it

Annerpaamik killiliussaq: akunnerit 40-t / sapaatip akunneranut 4259 kr-it

Sapaatip akunneranut isertitat 1491 aamma 4259 kr-it akornanniittut tamakkiisumik taartisarineqassapput.



Isertitat aamma erninermi ullormusiat ataqatigiinnerat

Siusinnerusukkut isertitanut atatillugu erninermi ullormusiat





Namminersortuni erninermi ullormusianut assersuutit

Aviaja og Pilu

Pilu piniartuuvoq Aviajallu pisanik Pilu ikiortarlugu. Pilu isertitaqarpoq. Aviaja ”katissimallugu aappatut ikiortaasutut” erninermi ullormusiaqarpoq. Isertitaqannginnami akigititamik minnerpaamik tunineqassaaq.

- Erninermi sulinngiffeqarneq sioqqullugu isertitat: Qaammammut 0 kr-it
- Erninermi sulinngiffeqarnerup nalaani isertitat: Sapaatip akunneranut 1491-it / qaammammut 6459 kr-it

Malik

Malik aalisartuuvoq. Sila pissutigalugu qaammatini kingullerni isertitai appasipput. Taamaattumik ukiumut isertitai aallaavigneqarput.

- Erninermi sulinngiffeqarneq sioqqullugu isertitat: Sapaatip akunneranut 3500 kr-it / qaammammut 15.167 kr-it
- Erninermi sulinngiffeqarnerup nalaani isertitat: Sapaatip akunneranut 3500 kr-it / qaammammut 15.167 kr-it

Nuunu

Nuunu namminersortuuvoq qaammammut 30.000 kr-inik akissarsiutigalugu. Isertitaasa akigititanut annerpaamik killiliussaq qaangerpai.

- Erninermi sulinngiffeqarneq sioqqullugu isertitat: Sapaatip akunneranut 6923 kr-it / qaammammut 30.000 kr-it
- Erninermi sulinngiffeqarnerup nalaani isertitat: Sapaatip akunneranut 4259 kr-it / qaammammut 18.455 kr-it



Suliffeqarfimmi namminersortuni atorfillit

Akissarsiat nalinginnaasut 80 %-iinik pisinnaatitaapput.

Akunnermut 104,67 kr-iniit appasinnerusinnaangillat. (Erninermi ullormusiat assingalugit).

Akunnermut 135 kr-iniit qaffasinnermik pisinnaatitaangillat, amerlanerusunik pissarsinissamut isumaqatigiissuteqartinnagu assigisaanilluunniit.

Sulisitsisoq tunniussisussaataanermit inatsisit malillugit utertitsiffigineqassaaq.



Namminersortuni atorfillit - assersuutit

Aaja 135 kr-inik akunnermusiaqarluni sulivoq.

- Akissarsiaasa 80 %-ii 100 kr-iupput. Minnerpaamik akigititaq inorpaat.
- Taamaattumik akunnermut 104,67 kr-inik tunineqassaaq.
- Sulisitsisua tamakkiisumik utertitsiffigineqassaaq.

Paneeraq 175 kr-inik akunnermusiaqarluni sulivoq.

- Akissarsiaasa 80-ii 140 kr-iupput. Qaffasinnerpaaffittut akigititaq qaangeqqavaat.
- Taamaattumik 135 kr-inik akunnermisiaqassaaq.
- Sulisitsisua tamakkiisumik utertitsiffigineqassaaq.


Erik 175 kr-inik akunnermusiaqarluni sulivoq.

- Tamakkiisumik akissarsiaqarnissaq pillugu sulisitsisorlu isumaqatigiissuteqarput. Taamaattumik 175-inik akunnermusiaqassaaq.
- Sulisitsisua akunnermut 135 kr-inik utertitsiffigineqassaaq, 40 kr-illu sinneruttut nammineq akilissallugit.



Ukiuni kingullerni tallimani erninermut kisitsisit

Erninermut kisitsisit





Erninermi sulinngiffeqarnermi kisitsisit pingaarutillit

MALUGIUK: 2024-mi kisitsisit tunngavigalugit

naatsorsorneqarput

- (Inuit 779-it erninermi sulinngiffeqarput)


Erninermut Aningaasaateqarfik: 28 %-it (Inuit 216-it)

- Taakkunanga angutit 30 %-ii arnallu 70 %-ii.

Erninermi ullormusiat: 72%-it (Inuit 563-it)

- Taakkunanga angutit 12 %-ii arnallu 88 %-ii.

Inuit erninermi sulinngiffeqartut agguataarneri




barselsfonden - mænd barselsfonden - kvinder
barseldagpenge - mænd barseldagpenge - kvinder



Erninermi ullormusiaqartut akunnikkuutaartumik agguataarneri

- Titartakkami takuneqarsinnaavoq, inuit erninermi ullormusiaat apriliimi piffissami ullut 14-it ingerlaneranni akunnerit qaffasissusaat malillugit agguataarnerat.
- Erninermi ullormusianut sapaatip akunneranut minnerpaamik qaffasissusaat akunnerit 14-iupput, annerpaamillu qaffasissusaat akunnerit 40-llutik.
- Minnerpaamik ullormusiallit 30 %-iisa missaanniipput, affaallu sinnilaarlugit minnerpaaffiup annerpaaffiullu akornanniillutik.
- Inuit sapaatip akunneranut akunnerit 14-it inorlugit nalunaarsorsimasut tassaasinnaapput piffissap ingerlanerani sulinngiffeqarnertik aallartereersimagaat imaluunniit naareersimagaat.
- Inuit sapaatip akunneranut akunnerit 40-t sinnerlugilluunniit nalunaarsorsimasut tassaasinnaapput, inuit annerpaamik qaffasitsigisumiittut inuillu siusinnerusukkut tunniunneqartuniit nalimmassaaffigineqartut.





Erninermi ullormusianik amerlanerusunik pisinnaatitaaneq qanoq akeqarpa?

Ullumikkut inuit erninermi ullormusianik minnerpaamik qaffasitsigisunik tunineqartartut (sapaatip akunneranut akunnernik 14-inik) erninermi ullormusianik sapaatip akunneranut akunnernut 40-nut naapertuuttumik pisinnaatitaalernerat pillugu aningaasartuutaanerunerat missingersuutaagallartumik naatsorsuinerup takutippaa.

Inuit minnerpaamik qaffasitsigisumik tunineqartartut qanoq amerlatigippat?

- 2024-mi pisortanit erninermi ullormusianik inuit tigusaqartartut 563-iupput.
- Sapaatip akunneranut minnerpaamik qaffasissusilinnik akunnernik 14-inik tiguisartut 30 %-iisa missaanniipput.
 - $563 \times 30 \% =$ Inuit 169-it miss.

Inummut ataatsimut saniatigut aningaasartuutit

- Sapaatip akunneranut akunnerit 14-iniit 40-nut qaffaaneq sapaatip akunneranut akunnerit 26-nut naapertuuppoq.
- Erninermi ullormusianut akigititaq akunnermut ataatsimut 106,47 kr-it missaanniippoq.
 - $26 \times 106,47 =$ Inummut ataatsimut sapaatip akunneranut saniatigut 2.768 kr-it miss.

Erninermi sulinngiffeqarneq sapaatit akunneri 19-ini missingersuutit katillugit

- $169 \times 2.768 \times 19 =$ Ukiumut 8,9 mio. kr-it miss.

Eqqumaffigisassaq

- Naatsorsuinermut inuit ullumikkut minnerpaamik qaffasissusilinnik (sapaatip akunneranut akunnernik 14-inik) erninermi ullormusiaqartut taamaallaat ilanngunneqarput.
- Aningaasartuutaanerusut amerlanerussapput, sapaatip akunneranut akunnerit 40-t inorlugit erninermi ullormusianik tiguisartut eqimattat allat aamma akunnerit 40-nut qaffanneqarnerat ilanngunneqarpat.



Malitsigisaanik kingunerisassat

Namminersortuni atorfillit sulingiffeqarnerminni akissarsiaqartarput. Akunnerit minnerpaamik killilerneqanngillat.

Sapaatip akunneranut akunnerit qulit taamaallaat sulisaraanni, erninermi sulingiffeqarnerup nalaani sapaatip akunneranut akunnerit qulinut akissarsisoqassaaq.

Sulingiffeqarnissaq sioqqullugu suliffeerukkaanni, akerlianik pisortanit erninermi ullormusiaqartoqarsinnaavoq.

Taamaattumik erninermi sulingiffeqarnerup nalaani, suliffimminni akissarsiaritinneqartuniit angerlarsimasutut erninermi ullormusiat qaffasinnerunerat pissutigalugu, erninermi sulingiffeqarnissaq sioqqullugu inuit ilaannut aningaasaqarnikkut imminut akilersinnaanerusarpoq.

Aningaasartuutaanerusutut 8,9 mio. kr-it naatsorsorneqartut, pisortanit erninermi ullormusianik tigusaqartarniarlutik, inuit amerlanerit suliffimminniit soraarsinnaanerat imaluunniit suliffeqarnermit qimatsisinnaanerat sillimaffigineqanngilaq. Tamanna sillimaffigineqassappat, aningaasartuutiviit suli amerlanerulersinnaapput.



Malitsigisaanik kingunerisassat - assersuut

Petra suliffeqarfimmi namminersortumi sapaatip akunneranut akunnerit 20-t sulisarloq. 110 kr-inik akunnermusiaqarloq, taamaattumillu erninermi ullormusianik sapaatip akunneranut akunnernut 20-nut naapertuuttumik akissarsiaqassalluni.

Petrap nalunngilaa, erninermi sulinngiffeqarnissaq sioqqullugu qaammatit pingasut kingulliit suliffeerukkuni, sapaatip akunneranut akunnerit 40-t erninermi ullormusiarissallugit.

Taamaattumik ullormi suliffiusumi kingullermi soraarsippoq, erninermilu ullormusianik qinnuteqarluni.

Petra suliinnassaguni sapaatip akunneranut 2129 kr-isisassaaq. Soraarsikkuni sapaatip akunneranut 4260 kr-isisassaaq.

Qaammatini arfinilinni erninermi sulinngiffeqassaguni isertitat saniatigut 56.300 kr-inik pissarsissaaq – tassa imaappoq isertitat marloriaataannik qaffasinnerusut.



Erninermi ullormusianut akigititaq QAFFANNEQARPAT namminersortunullu akissarsiaqarneq qulakkeerneqarneranut takorluugaq

Tamanna pinngitsoortinniarlugu namminersortuni atorfillit akissarsiaat sapaatip akunneranut akunnerit 40-it inorlugit appasinnerussanngitsoq qulakkeerneqarsinnaavoq.

Tamanna **17 mio. kr-it** missaanni akeqassaaq (2024-mi naatsorsuineq tunngavigalugu).

Taamaattoq kisitsisit nalorninartorta qarput. Akissarsiallit 20-niit 40-nut ukiullit tamaasa isigalugit affaasa missaat sapaatip akunneranut erninermi ullormusiat akunnerit 40-niit appasinnerusumik isertitaqarput. Ilimagineqarpoq taakkua sivilisunerusumik sulinggiffeqarnissaq toqqassagaat. Naluarput, sulinggiffeqarnerup sivitsornissaanik qanoq amerlatigisut toqqaassanersut.

Taamaattumik kisitsisit eqqortut tasaanerugunarput **20 mio. kr-it**.

Namminersortuni atorfilinnut akissarsiat ilaatigut sulisitsisunit ilaatigullu naalagaaffiup karsianit aningaasaliiffiqineqartarmata, aningaasaliinermut tunngasut isumaqatiginninniutigineqarnissaat aamma sillimaffigisariaqarpoq.

Tusarnaarnissinnut qujanaq

NAALAKKERSUISUT
GOVERNMENT OF GREENLAND

